



國家圖書館藏 古籍題跋叢刊

國家圖書館 / 編

GUO JIA TU SHU GUAN CANG
GU JI TI BA CONG KAN

第20册



北京圖書館出版社

國家圖書館藏古籍題跋叢刊

第20册

北京圖書館出版社

荀子考異一卷

宋淳熙間邑人錢氏佃刻荀子既用各本參校復有所疑因著考異附卷末自為之跋今淳熙本不獲見惟傳此卷其跋云右荀卿子書楊倞注凡三十二篇為二十卷并劉向篇目舊嘗惠此書無善本求之國子監亦未嘗版行比集諸家所藏得二浙西蜀本凡四增竄同異莫適取正末乃於廬陵學官藏書中得元豐國子監刻者遂取以為據然猶有謬誤用諸參校凡是正一百五十有四字其有疑而未決者并世俗所習熟而未定如青出於藍而青於藍者監本所出而文義或非又如莫善於樂而作美善相樂皆不敢沒其實著之卷末又一百二十六條雖未敢以

為盡善然耳目所及此已特為精好謹刻之江西計臺俾
學者得以考訂而誦習焉淳熙八年六月丙午吳郡錢佃
謹識案佃字仲耕政和進士觀復之子登紹興十五年進
士官至中奉大夫祕閣修撰著有易解十卷詞科類要三

十卷文集二十卷見常熟縣志

藏鐵琴銅劍樓
書司錄

朱子成書

元廬陵後學黃瑞節附錄 黃虞稷明史藝文志補白黃
瑞節字觀樂以薦授秦和州學正不赴輯朱子太極圖通
書正蒙西銘諸解及易啟蒙家禮律呂新書皇極經世陰
符經參同契注而以己所見為附錄此本凡太極圖說注
通書注西銘注正蒙法律呂證辨家禮六種俱不分卷缺
易啟蒙皇極經世陰符經參同契四種 吾友黃觀樂取
晦菴朱氏諸書在四書外者粹為十種博註增說名之曰
朱子成書俾于序嗚呼是可以言成矣朱子前益未嘗有
成書也傳註繁蕪雜著偏駁至通書而後粹然出於正然
自為書與諸子相望非述而不作意也朱氏出而後六經

之說槩然復興諸子百家之可傳者亦各有論著始終條
理可以言大備矣昔者吾夫子蓋未嘗著書書定詩刪春
秋筆削而已今誦四書者六經如可後遵集註者他書皆
可略甚不然也余少不佞自為時文時無欲窮索古人心
智趣味不但雷同是非止嘗盡讀朱子書漫試語同輩朱
氏於熙寧元祐孰主介父君實孰右無不謂主元祐右君
實乃殊不盡然由是觀之議論之不可盡如此況學問哉
四書外政大有事此成書之不容已也今成書為太極圖
通書此所為異象山而費論辨者也正蒙由易以起而啟
蒙又本義之所以本也西銘則天地萬物之同體所以施
之天下國家之道也皇極指要則西山相與沉潛趨悟天

人之要而門弟子之不得聞者也。冠昏喪祭折衷三千年之異同而歸之一，莫備於家禮。陰陽水火流行造化之妙，度量權衡統和天人之本，莫博於參同契。律呂書若陰符之說，所以祛世惑而反之正者，皆不可以不之知也。嗟乎！四書者天地也，是十書者二氣五行也，微是十者無以發四書之用，不觀於此者亦無以集朱氏之成。學者試以予言思之，豈不足以矯然而有省矣乎！不然，無有乎爾，則亦無有乎爾。觀樂是編，繙語錄全集，披同時往復，跋濶訂實，確又將類詩話雜說於此，外如千種未整也。觀樂學於先子有年，往從廬山西坡家有異聞，得遺墨，今為此書與勉齋西坡皆當家盡力於朱門云。大德己巳冬至廬陵劉

將孫謹書
受日精廬
藏書志

至書一卷

宋蔡沈撰 至書者至理之所載也明泰三序曰古昔聖
賢以至理蘊于心則為至德以至德洩于言則為至論以
至論措于行則為至道以至道載于典籍則為至書此至
書之所由名也遠取堯舜禹湯孔子曾子子思孟子之書
近述周子程子張子朱子之論彙集成編以闡佛老之所
謂虛寂者是書也其為學之本歟宋史藝文志著錄 至
書者言乎理之極至者也天下之理中而上矣堯舜禹之
相授孔子孟子之相傳上下數千百年而其言若出於一
者天之降衷民之受中理無二本故言無二致也然而理
有體有用靜而無所偏倚者體也動而無過不及者用也

體則虛明而無一善之不備用則該貫而無一事之不周
聖聖相承其所以互相發明者雖或有議論詳畧之不同
稱述名義之不一若夫根源之發旨趣之歸所以講明乎
此理者則固同一本也三代之前上之所以為教下之所
以為學則從事乎洒掃應對進退之節禮樂射御書數之
文若司徒之職典樂之官不過使其由夫日用之常而已
夫禮儀三百威儀三千而精微之論不遺數語當是時也
風俗醇人心正本原不差故士亦積學而造於自得自益
于沒聖人之道不傳學者專記誦之二篇詞章之技博而
寡要勞而少功於是異端邪說得以乘間投隙言道德論
心性舍實取虛棄有語無以其似是而足以惑人也是以

天下靡然趨之其信之者固入於老佛矣其疑之者亦入於老佛也其與之者固入於老佛矣其攻之者亦入於老佛也泯泯棼棼以至於今天理民彝幾何而不至於淪喪也哉嗟夫人惟無得乎此也是以有慕於彼竊念古先聖賢之書所以持挈綱領闡究精微者非不明著惟其散諸簡策讀者不能會而一之是以窒礙而難通辛苦而無得私竊懼焉因遠取堯舜禹湯孔子曾子子思孟子之書近述周子程子張子朱子之論天下之言理者無以加矣因是求之則知夫精粹純一溥博淵深萬善所宗萬事所出而老佛之所謂虛寂者不待辨而明矣父子而親君臣而義夫婦而別長幼而序朋友而信藎然其和怡然其順而

聖人之所謂典常者固可勉而至矣昔者嘗聞之父師曰
世道既降邪說交作人心不明苟不先示本原鮮不誘
於異端而陷溺之者此書之輯皆極至之理其庶乎所謂
本原者歟聖言深遠未易測識擇之未精錄之未備同志
其損益之若夫力行之序則自下學始日用常行之間即
道體精微之所在學者不可不勉焉嘉定戊辰正月望日

建安蔡沈序

受日精廬
藏書志

龜山先生語錄四卷後錄二卷

宋延平陳淵幾叟羅從彥仲素建安胡太原伯達所錄楊

時語也上缺乃得道學之君子科目可少乎哉

先生嘗受學於明道先生及辭歸明道送出門語謂生曰

吾道南矣其為明道所重如此先生平日著書甚多嘗以

年譜求之見其自少至老無一念不在於斯文如請道

荆公王爵罷配言夫子闢新經字說之非且欲毀廢三經

板抑邪說衛正道厥功不在孟氏下晚年一出人猶不免

有責備之議惟胡文定之言曰當時若能聽用決須救得

得一半嗚呼此公言也老蔡以權奸誤國末年乃因張柔


直收召先生要是天欲開洛學於東南故借柔直之口以

發其機老蔡非真知先生者也使京聽柔直之言者夫也
余子庭玉來長龜山余昨日偶來按年譜求先生所著禮
記列子解不可得家傳僅有語錄余深以不得盡見先生
所著之文為恨又以先生語錄一書巋然如魯靈光獨存
為喜蓋嘗肅容莊誦如飢得食如渴得飲太息而言曰寶
屈產之乘木若寶此書寶垂棘之璧不若寶此書此書在
甯壤間如桑麻穀粟之有餘味與其私藏於家不若公傳
諸世次山教諭趙公嘉惠後學心口相謀慨然以為己任
捐資繡梓式廣其傳博雅君子用心如是其超出流俗萬
萬矣時至大第三春正月圓日古番前進士樂軒王龍峽
序直齋書錄解題曰龜山語錄五卷延平際淵幾叟羅

從彥仲素建安胡太原伯達所錄楊時中立語及其子迥
彙錄共四卷末卷為附錄墓誌遺事順昌庾德明子晦所

集也

百宋樓藏書志



傳道四子書八卷

元吳郡後學徐達左編次 凡顏子二卷曾子二卷子

思子二卷孟子二卷 道之大原出於天故道在天下未

嘗亡也但有明有晦有行而不行耳有聖賢則明無聖賢

則晦然得時位則行失其時位則不行也自周室東遷而

上唐堯虞舜夏禹商湯文王武王周公當天堯之泰俱身

得其位於是美人倫而成教化參天地而贊化育俾萬物

各得其所此道之所以明而行也周室東遷而下孔子顏

子曾子子思子孟子繼作當天地之否昏不得其位於是

師友相與講論仁義道德之學修己治人_之事以淑諸人

以垂諸後此道固明而不行也然則十二聖賢雖時有泰